



Knud Kleemann
Atassut

UKA2025/9
5. november 2025

Inatsisartut Ombudsmandiata 2024-imut ukiumoortumik nalunaarutaata Inatsisartunit tusaatissatut tiguneqarnissaa Inatsisartut aalajangiiffigisassaattut siunnersuut.

Inatsisinut ataatsimiititaliaq

Atassummiit siullermik qutsavigerusuppagut Inatsisartut Ombudsmandiata sulilluarsimanerat, nalunaarutit ersarissut saqqummiunneqarput. Nalunaarusiat pingaaruteqarluinnartuupput inuiaqatigiinni aaqqissuussaanitsinnut, aammalu inatsisiliatsinnut naapertuutinngitsumik pisortat piviusumi sullissinerannut innuttaasunut takussutissaammata, innuttaasut qinigaattut qiviagassinneqarpugut, siunissamilu inatsisiliortutut sinaakkusersuinissatsinnut niaqqutta tunuani inissisimatittuassavagut nalunaarusiarineqarsimasut.

Ajoraluartumik kingumut nalunaarutip takuteqqippaa Nunatsinni unammillingassaqartugut innuttaasut sanngiinnerpaamik inissisimasut atungaat imaannaangereersut qaavatigut pisortaniit sullinneqartarnermikkut artukkorsorneqartarsimanerannik.

Isumaginninnerup iluani nammatagut Nunatsinni pisartut inuiaqatigiinni alliseequtitta ilagivaat, Atassummiillu sulii isumaqartuarsinnarpugut annertuallaamik pisortat eqiterussamik ingerlataqarpallaarnerat atuuttoq susassa qarfiit ilaanni, naak nukiit annertunerusumik atorineqarsinnaangaluartut soorlu isumaginninnerup iluani.

Matumani qiviangassagut siuarsaassalluta nalunaarusiap imarisaani arlaqarput assersuutitut isumaginninnerup iluani pisortat sullissinerat pitsaanerusumik kivinniassagutsigu, sulii isumaginninnerup iluani sulisinnaasut ilinniarsimasullu annertuumik nunatsinni pisariaqartikkigut, aammalu patajaatsumik sulisinnaasut ilinniarsimasullu paariinnassallutigit suliniuteqartariaqartugut aammalu kajumernartunngorsaasariaqassalluta, sulisut paarlakaannerujussuat akiorniarlugu.

Taama oqaaseqaateqarluta Inatsisartut Ombudsmandiata nalunaarutaa Atassummiit tusaatissatut tiguarpur.